



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Acta Ecclesiae Mediolanensis**

Decreta Provinciae Mediolanensis Svb B. Carolo Borromeo, Cardinale Archiepiscopo, Diuersis temporibus in sex Concilijs, totidemq[ue] voluminibus edita

**Speciano, Cesare**

**Brixiae, 1603**

**Tit. XII. De Officio Praedicatoris.**

**urn:nbn:de:hbz:466:1-10553**

neque vlla inhibitio, appellatio, aliud re quicquam impedit, aut retardet executionem eorum, que ipse mandarit, aut iudicarit, decreuerit ve.

Quando ab interloquitoria, & diffinitiuia appellatio admittatur, & quæ ac qualiter suspensionem, ac transmissionem actorum operetur, nec ne. Cap. II.

**Q**uod Concilij Tridentini decretis sancitum est, ut in visitationis, correctionis, habilitatis, inhabilitatis, & criminum causis ab interlocutoria ante diffinitiuam sententiam, aut ab alio quocumque grauamine ne appelletur; ita omnis, ad quos pertinent, id exequantur, ut non modo appellacione, non deferatur, sed neque Metropolitanus ad quem appellatum est, ante diffinitiuam sententiam cognitionem grauaminis suscipere potest, aut ne simpliciter quidem alia causa sumptibus appellatis mitti mandare. Vbi vero sententia difiniens lata est, quæ ad causas visitationis, & correctionis pertinent, appellari licet, ita tamen, ut illius executionem non retardet, impedit ve appellatio.

Quod si de grauamine agitur, quod per appellacionem à diffinitiuia reparari nequeat, quale est grauamen indebita carcerationis tunc appellatur licet, & appellacioni planè deferatur. Nec vero prohibeatur, quominus alia causa ad iudicem appellacionis deferantur.

Interea vero idem, cuius causa agitur, in carcere permaneat, quo ad causa cognita, index, ad quem appellatum est, aliter iussit, decreuerit ve. Si vero causa correctionis est, ut poterit, quis inique in carcere se coniectum esse, aut diutius in eo fuisse conqueratur, & Metropolitanum propterea appelleat; de prætenso excessu is cognoscat licet, dummodo, quæ ordinarius index decreuerit, eorum executio interea non impediatur.

Sel. 13.c.  
1. 22.6.1.  
&c 24. ca.  
20. de re-  
form.

A corre-  
ctiōē nō  
appella-  
tur, c. li-  
cet. de of-  
fic. ordi.  
c. Ad no-  
stram, de  
app. nisi  
corrīgēs  
modu ex-  
cedat, gl.  
in d.c. li-  
cet, in  
ver. Iter-  
clusum,  
& in d.c.  
Ad no-  
stram, in  
ver. Mi-  
n⁹, quod  
multipli-  
citer fie-  
ri potest,  
sicut dici-  
tur à exe-  
cute, glof. in c.  
Ad cōful-  
tationē ī  
ver. exce-  
datur, de-  
re iudi. à  
quo argu-  
it. d. gl. in  
ver. Mi-  
nus.

## DE OFFICIO PRAEDICATORIS.

### Tit. XII.

Quid muneris incumbat Prædicatoribus. Cap. I.

**I**S autem, qui prædicandi officio, aut quacumque ratione fidelibus Christianam doctrinam tradendi munere funguntur, eam viam, & rationem ineundam proponimus, quam in libello pro sola Prouincia Mediolanensis, hoc de genere Sancta memoriae Cardinalis Borromeus edidit.

Prosequutio prædictorum. Cap. II.

**H**anc etiam rationem habeant, ut non solum Dei, a & Ecclesiæ præcepta seruanda esse doceant, sed modum illis trandant quo ea ex Dei voluntate seruare oporteat.

a Circa prædicationis actum, quæ sint attendenda vid. Sebaff. Med. in libello de Promouen. Episc. c. 8. fol. 195. &c sequentibus, vbi etiam querit an taciturnitas prædicationis, in prælatis, sit peccatum.

H A quibus

A quibus caueant prædicatores. Cap. III.

**M**axime verd caneant, nè quod præceptis, <sup>b</sup> & hortatu ædificant, <sup>c</sup> id  
vita & moribus destruant; nè cum alijs prædicauerint, <sup>d</sup> ipsi reprobi  
effiantur. Indulgentias populo ne publicent, <sup>e</sup> nisi de consensu Episcopi.

Pauperes, quando à concionatoribus comendantur: & qualiter  
eleemosinas colligant. Cap. IIII.

**N**eminem populo, paupertatis nomine, commendent, nisi is testimonium  
scriptum ab Episcopo attulerit, neque ei inter concionem permittatur,  
et eleemosinam à quoquam petat in Ecclesia; sed aut ad fores Ecclesia stet;  
aut per eos, qui eam curam suscepereint, id negotium ita commode, ac celeri-  
ter agatur, ut minimè concionem impedit.

Quando habenda concio; & interim à quibus desistendum sit.  
Cap. V.

**S**acra concio noctu nunquam, sed opportuno tempore Episcopi præscripto  
Shabeatur.

Dum habetur, nec Missæ, aut hora Canonica clara, aut submissa voce, in  
ea Ecclesia dicantur.

Pro festis solennibus, processionibus, ac Iubileis; quando & à qui-  
bus, quæ docendus est populus. Quando item Parochi  
intra suos fines concionari regulares non per-  
mittant. Cap. VI.

**A**nniversaria festorum, solenniumq; dierum quadam quasi vicissitudine,  
& statis, pro solennitatim, temporumq; ratione sacris cæmoniarum  
ritibus, Dei Ecclesia, à spiritu sancto instructa, redemptionis nostræ mysteria,  
& sacras alias actiones in anno, tanquam uno libro descriptas, fidelibus pro-  
ponit; qui, si minus ad ea instruēti sunt nec quæ sancte, religioseq; aguntur,  
intelligunt; non eum fructum, quem alioqui perciperent, capiunt. Quod igitur  
diligentius illi instruantur, indiesq; magis accendantur, ad publicas sacras  
actiones, & mysteria colenda, quæ statim anni solennitatibus, & temporibus  
Ecclesia Dei celebrat; Episcopus tum ipse aliquando, tum concionatores, &  
Parochi certis ijs diebus, quibus illa agi, celebrarive contigerit, populum do-  
ceant, cum sacrosancta ea mysteria, tum religiosum eorum anniversariorum cul-  
tum, tum sanciores statarum in ijs colendis sacrarum cæmoniarū, ac rituum  
rationes, & significaciones.

Itidem, cum solennes aliquæ statे processiones, vel alię supplicationes,  
aliqua, publica causa inditæ, aguntur, vel Iubileum, in uniuersa Ecclesia in-

dictum,

dictum, celebratur; conciones ab eisdem habeantur, quibus præter cætera explicentur causæ, quamobrem aut Iubileum celebretur, aut illæ supplicationes fiant; tum excitentur, atque admoneantur fideles quæ religiosè incumbendū sit ei sanctæ actioni, quidq; ab illis præstandum, ut illius Iubilei spirituales diuitias ipsi consequantur.

*Vt autem religiosa animi præparatione hi solennes dies à fidelibus colantur; non satis illi id esse putent mysteria illa à se sermonibus, concionibus ve, ijs ipsis diebus, quibus celebratur, explicari, sed festis etiā, aut Dominicis diebus, eas sacras, vel solennitates, vel actiones proximè præcedentibus, eosdem concionibus instruant, & eorum animos, mentesq; preparare, atque inflammare studeant, cum ad omnem religiosum mysteriorum, quæ sanctè agentur cultum, tum maxime, pro solennitatum ratione, ad pænitentiæ Sacramentum, & ad sacram Eucharistiam sumendam.*

*Id vero etiam servetur, cum statæ iejuniorum tempora, Aduentus Domini, Septuagesima, & eiusmodi instant.*

*De Sacramento etiam chrismatis populum instruant in illis Pentecostes diebus, quibus potissimum ab Episcopo id Sacramentum solenniter administrari solet.*

*Parochi autem id omne instruendi populi officium præsent ad præscriptū instructionis editæ Metropolitani cura, ad communem Proninciatæ vsum.*

*Ne patiatur Parochus, cuiusvis ordinis regulares in ordinis sui Ecclesiis, intra fines Parochiæ suæ sitis, concionem habere, nisi ex scripto testimonio perspererit, eos muneric eiusmodi in illis Ecclesiis obeundi causa, se ad Episcopū cum concionandi facultate, quam à superioribus suis ipsi obtinuerint, contulisse: & benedictionem, vt Tridentino Concilio cantum est, ab eodem petijisse, neque itidem in alienis eiusdem Parochiæ Ecclesiis, nisi ibi concionandi facultatem, sibi ab Episcopo literis concessam illi ostendant.*

*Quæ Prædicatoribus præscripta sunt in literis facultatis, seu benedictionis per Episcopum tributæ describantur.*

### Cap. VII.

*Q*UAE in Concilio Provinciali primo de prædicatione verbi Dei, & quæcunque item alia concionatoribus à nobis præscripta sunt, ea quod diligentius seruentur, illam cautionem adhibeat Episcopus, ut cum eorum cuiquam in suadiæcessi concionandi potestatem faciat, vel benedictionem impartiet, illa omnia, & alia eo de genere in nostram concionatorum instructionem, ad communem proninciatæ vsum, simul redacta, & quæ item Episcopus Ecclesiæ sua rationibus accommodata, ab illis servanda censuerit, illis literis describi iubeat, quibus vel concionandi facultas permittetur, vel præsentationis, postulatæq; benedictionis testimoniūm fiet.

Recedentes nondum absolute per Parochum concione, qui deferendi, & puniendi. Et Indulgentia corripiensibus blasphemos qualiter denuncianda. Cap. VIII.

**Q**uoniam Parocho concionanti, nonnulli parum salutis suæ memores, cum ad illius concionem conueniunt, saepe discedunt eam non absolute, ideo debiti in hoc genere officij sui eos crebro Parochus admoneat, prout necessarium esse viderit, Quod si quos aliquando monitos ex verbi Dei, vel Parochi concionantis contemptu in contumacia perseuerare animaduerterit, illos ad Episcopum deferat, qui pro culpa grauitate eisdem afficiat, tum alijs paenit, tum si opus est, Sacramentorum communione priuet, a ad Carthaginensis Concilij prescriptum.

a c Sacer  
dote, de  
conse.di.  
r. quo ea  
utū est,  
descendē  
tem excō  
munica  
ri debe  
re, quod  
tamē de  
contem  
nenti in  
telligit,  
per glof.  
ibid. &  
Durāt.in  
rat. diu.  
offic. lib.  
4.c.26.n.  
5.titu.de  
prædica  
tione.  
b Vid.in  
fra dī Ma  
ledicis,  
&, bla  
phemis,  
c 4.ad fi.  
c In Cō  
cil. Late  
ran. Scil.  
9.sub tit.  
reforma  
tiōes. cu  
rium, &  
siorum,  
vers. Ad  
abolen  
dam, To.  
5. quo loco pœna declarantur, quibus blasphemii afficiendi sunt, & ut in foro conscientia, absque gra  
uissima penitentia arbitrio seu*confessarij* iniuncta, absolvi non possint, statutum est, Mando. in An  
nal. cas. num. 87.

Parochus, & concionator saepe, prout opus esse animaduerterit, b illam decem annorum Indulgentiam edicat, ac denunciet, quam Summus Pontifex Leo X. in Lateranensi Concilio toties cuiusvis concessit, c quoties aliquem blasphemantem accusarit.

Alteri concionanti, Sacerdos sacrum faciens quomodo assistat. Cap. I X.

**C**VM non is Sacerdos, qui sacrificium missæ facit, sed alius intra missæ celebrazione, sermonem, concionem ve habiturus est, is suggestum ascedat; interea vero Sacerdos celebrans loco à laicis segregato, & ab altari paululum remoto, non extra tamē capella fines, in qua missa celebratur, sacris uestibus induitus, cum duobus ministris, scilicet Diacono, & Subdiacono, si illi in missa tunc adhibiti sunt, ab utroq; latere confidentibus sedebit.

Quando liber sacerorum, quæ exponuntur per concionantem ante habendus. Cap. X.

**E**piscopas, Parochusve, vel alius Prædicator Sacrum Euangelium, aut etiam scripturæ sacra partem, coram populo, etiam è loco superiori transcollocatum ante se aliquando, cum viderit expedire, habeat Euangeli, aut scripturæ librum; de quo ipse, aut etiam minister, cum Episcopus est, per membra; clausulas, & sententias distinctè eiusdem Euangeli, scripturæ verba pronuntiet; que ipse scilicet, vel Parochus concionando, quo ordine leguntur, sigillatim populo explicet.

Quali-

Qualiter, & qui minister Episcopo, in lectione libri deseruiat.

Cap. XI.

**M**inister verò, in hoc munere legendi, Episcopo Archidiaconus sit, vel Diaconus Canonicus aliusve denique, quem Episcopus elegerit, isq; ante illum capite aperto stans, de libro verba distincte pronuntiet.

Dum concionatur, Episcopus, reliquiq; omnes, etiam regulares, à prædicatione desistant. Cap. XII.

**Q**uod à Clemente Quinto Pont. Max. in Concilio Vienensis, de prædicatione verbi Dei constitutum est, id omnis Ecclesiastica ratio suadet ad usum vel reuocari, vel introduci. Quia igitur hora Episcopus id officium prestat, ne quis alius, cususcumque ordinis est, illa ipsa hora, in ea vrb, oppido, vico, loco vbe, ubi ille prædicat, etiam in Ecclesia regularium, aut alijs exempta, sermonem, concionemve habeat; nisi facultate ab illo impetrata.

Nil Prophanum inter missarum solemnia denuntiandum.

Cap. XIII.

**N**ec Parochi, Sacerdotesve alij, intra missarum solemnia, quicquam, quod prophanum sit, quodq; ad rerum huiusmodi enuntiationem attinet, de altari populo pronuntient, aut emulgent.

Parocco non idoneo concionator adiutor statuta mercede, per Episcopum detur. Cap. XIV.

**P**arochis non idoneis ad munus suum obeudum, in pascendo sibi cōmissum populum verbo Dei, coadiutor eo in onere sustinēdo, in Quadragesima detur ab Episcopo, cum ea mercede, aut eleemosina, ad eius sustentationem à Parocco persoluenda, vel ab ijs, qui hoc onus solent sustinere, quæ eidem Episcopo videbitur congrua.

Populi ad eorum solitam Prædicatoris sustentationem compellendi. Cap. XV.

**P**opulus, & vniuersitas detrectans subministrare victimum, vt antea consuevit, concionatori, solitamve eleemosinam ad eiusdem ritus congruam sustentationem, omni iuris ratione, etiam interdicti pæna ab Episcopo ad id compellatur.

Dum concio habetur, à missæ sacrificio desistatur.

Cap. XVI.

**D**VM vel Episcopus, vel Parochus, vel alius sermonem, concionemve habet; ne eo ipso tempore in Ecclesia, ubi habetur, in eiusve aliquo scelto, missæ sacrificium ab ullo quouis Sacerdote fiat.

Clem. 2.  
incip. Du  
dum. de  
sepult.

Concil.  
 Latera.  
 sub Inn.  
 3. ca. 3.  
 Quia ve  
 ro. To. 4.  
 Concil.  
 Tri. Sess.  
 5. c. 2. de  
 refor. E  
 Sess. 24.  
 c. 4. de r  
 for. Cō.  
 Late. sūl  
 Inn. 3. c.  
 to. To. 4.

Cuius expensis Episcopus aliter impeditus de prædicatore prouideat. Cap. XVII.

**E**PISCOPVS, si legitime impeditus, in Cathedrali Ecclesiæ prædicationis munus per se ipse non potest, id per alios qui idonei sint, ex decreto Conc. Trid. præstet, impensis scilicet suis, nisi immemorabilis consuetudinis sit, eas ipsas impensas ab alijs; illo prædicationis nomine fieri.

Prædicatores quicunq; ab Episcopo eligendi. Cap. XVIII.

**E**PISCOPI solùm sit, abrogatis quibuscunq; contrarijs consuetudini bus, & priuilegijs, & in Ecclesia Cathedrali, & in alijs, non modò iurisdictioni suæ subiectis, sed etiam in exemptis, quæ curatæ sunt, concionatorem liberè deligere, atque constituere.

Idem q; ad eum spectet in Regularium etiam Ecclesijs, vbi pro maiori ommoditate, consuetudinis, morisq; est, populi vniuersitatisve aut pij loci sibolæ, aut confratriæ, etiam laicalis sumptibus, uel eleemosynis collectis, vel legato pio, aliave huiusmodi ratione, quotannis certo statu tempore permisso Episcopi concionem haberi.

Nec alteri quoquomodo spectet electio, etiam si ab eo subministrari debeat concionatori eleemosina, ad quam nihilominus cogatur. Cap. XIX.

**N**E C verò illius diligendi, constituendire ius vlla ratione competit, neq; ipsis regularibus, etiam per turnum, neque vniuersitati, neque magistrui, neque loci pii administratoribus, confratriæ, scholære, etiam laicali, neq; illi cuiquam laico, etiam si ei eleemosina, alimentare, è publico, aut è confratria, alio ve modo, ut supra suppeditetur subministrantur ve. Quæ, ut nihilominus subministrantur, atque adeo persoluantur ab iis, qui solent, aut alia quacunque ratione debent, omni appellatione postposita, Episcopus cogat, ut Conilio Proninciali Quarto cautum est.

Peritia prius probetur, antequam facultas prædicandi concedatur. Cap. XX.

**N**EMINI autem concionandi facultatem ccedat Episcopus, nisi prater alia, uel examine, uel alia ratione, pro arbitrio suo, illius scientiam, & peritiam in eo munere probarit.

Modus percipiendi fructum ex concione à prædicatore populo insinuandus. Cap. XXI.

**C**oncionator doceat sæpe populum modum audiendi concionem, fructum que congruentem ex ea percipiendi, juxta luculent er tradita, & piè per Illusterrimum Dominum meum in Concilio Quinto Proninciali, in titulo, Quæ ad predicationem uerbi Dei pertinent.

Qualiter

Qualiter prius concionatores examinandi sint. Cap. XXII.

**C**oncionatores examinentur antequam admittantur ad præscriptum Concilij Quinti Prouincialis, vbi docte, & luculenter Illustriſſ. Domini nus meus, quæ sunt interroganda præscripsit.

Quando concionatori colligendam pecuniam proponere non liceat. Cap. XXIII.

**C**oncionator in Vrbe, ne sine scripta Episcopi facultate pecunia colletam, inter concionandum proponat, faciat ve; neq; itidem in diœcesi, sine Vicarii Foranei licentia: licet tamen concionatoribus Regularibus in eorum Ecclesiis, absque facultate illis tradita ab Episcopo, siue eius Vicario, sua monasteria populo commendare.

Nec se pro eleemosyna commendare, sed quibus hoc liceat.

Cap. XXIV.

**N**ec verò eleemosynæ causa concionatori se ipsum commendare liceat: ab alijs tamen püs honestis q; hominibus eius causa, de Episcopi licentia a conquiri, & colligi uetus non sit.

Nemini etiam regulari, & quamvis exempto qualiter concionari permittitur. Cap. XXV.

**N**ein Monasterijs quidem, & locis, vbi regulares spiritualem, tempore q; iurisdictionem habent, quisquam Ecclesiasticus homo, etiam regularis exemptus, prædicationis munus obeat, nisi primū ab Episcopo probatus, intra cuius diœcessis fines, ea monasteria, locare sunt: Regulares uero à suis superioribus approbati, ac de eorum licentia, in Ecclesiis suorum ordinum prædicaturi antequam prædicare incipient coram Episcopo personaliter cum ipsa licentia se presentent, ab eo benedictione accepturi; sine qua benedictio ne, aut Episcopo contradicente, prædicare non presumant: si quis contrafecerit, ei pœnæ, & censuræ constitutæ sint, contra alios sancitę.

Concil.  
Lateran.  
sub Inn.  
3. Cas. 3.  
6. Quia  
vero. To.  
4. Conc.  
Trident.  
Sess. 5. c.  
2. §. Regu  
lares ve  
rō de re  
form.

## DE CLERICIS PEREGRINIS. Tit. XIII.

Clericus alienæ diœcessis adueniens, qualiter denuntiandus, literæ q; eius commendatitiæ comprobandæ. Cap. I.

**V**OD Patrum decretis & Tridentino Concilio sancitum est, nè alienæ diœcessis clerici absque commendatijs literis ab ullo Episcopo recipiantur; quod facilius illud executionem habeat, Parochus quispiam, vbi primū cognoverit in Parochia sua Ecclesiasticum hominem alienæ diœcessis, vel domicilium consti-

Sess. 23.  
c. 16. ver.  
Nullus  
præterea  
de refor.